

📖 দৈনন্দিন জীবনে ইসলাম [যাকাত অধ্যায়]

বিভাগ/অধ্যায়ঃ যাকাতুল ফিতর

রচয়িতা/সঙ্কলকঃ শরীফুল ইসলাম বিন যয়নুল আবেদীন

যা দ্বারা যাকাতুল ফিতর আদায় বৈধ

মুসলমানদের উপর যেমন যাকাতুল ফিতর ফরয করা হয়েছে। তেমনি তা কি দ্বারা আদায় করবে তাও নির্ধারণ করে দেওয়া হয়েছে। রাসূল (ছাঃ) বলেন, **أَدُّوا صَاعًا مِنْ طَعَامٍ فِي الْفِطْرِ**, 'তোমরা ছাদাকাতুল ফিতর আদায় কর এক ছা' খাদ্যদ্রব্য দ্বারা'। [1]

অন্য হাদীছে এসেছে,

عَنْ أَبِي سَعِيدٍ الْخُدْرِيِّ رَضِيَ اللَّهُ عَنْهُ يَقُولُ كُنَّا نُخْرِجُ زَكَاةَ الْفِطْرِ صَاعًا مِنْ طَعَامٍ، أَوْ صَاعًا مِنْ شَعِيرٍ، أَوْ صَاعًا مِنْ تَمْرٍ، أَوْ صَاعًا مِنْ أَقِطٍ، أَوْ صَاعًا مِنْ زَبِيبٍ۔

আবু সাঈদ খুদরী (রাঃ) বলেন, 'আমরা এক ছা' ত্বা'আম বা খাদ্য অথবা এক ছা' যব অথবা এক ছা' খেজুর অথবা এক ছা' পনির অথবা এক ছা' কিশমিশ থেকে যাকাতুল ফিতর বের করতাম'। [2]

অত্র হাদীছে যাকাতুল ফিতর প্রদানের ব্যাপারে বিভিন্ন খাদ্যশস্যের নাম সহ সাধারণভাবে 'ত্বা'আম' বা খাদ্যের কথা এসেছে, যা দ্বারা পৃথিবীর ঐ সকল খাদ্যশস্যকে বুঝানো হয়েছে, যা মানুষ তাদের দৈনন্দিন জীবনে প্রধান খাদ্য হিসাবে গ্রহণ করে থাকে। হাদীছে সরাসরি চাউলের কথা উল্লেখ না থাকলেও তা যে 'ত্বা'আম' বা খাদ্যের অন্তর্ভুক্ত, তাতে কোন সন্দেহ নেই। কিন্তু ধান খাদ্যের অন্তর্ভুক্ত নয়। কেননা ধান মানুষের সরাসরি খাদ্য নয়। যবের উপরে ধানের ক্রিয়াস করা যাবে না। কেননা যব খোসা সহ পিষে খাওয়া যায়। কিন্তু ধান খোসা সহ পিষে খাওয়া যায় না। সুতরাং বাংলাদেশের প্রধান খাদ্য হিসাবে চাউল দ্বারা ফিতরা প্রদান করাই শরী'আত সম্মত।

ফুটনোট

[1]. ছহীহুল জামে' হা/২৪২; সিলসিলা ছহীহাহ হা/১১৭৯।

[2]. বুখারী হা/১৫০৬; মুসলিম হা/৯৮৫; মিশকাত হা/১৮১৬।

🔗 Source — <https://www.hadithbd.com/books/link/?id=3347>

📖 হাদিসবিডির প্রজেক্টে অনুদান দিন